



**GIUSEPPE CABIZZOSU**

BIBLIOTECA

[www.giusepecabizzosu.it](http://www.giusepecabizzosu.it)

**Andrea Chessa**  
(-)

**Poesie scelte**  
**in lingua sarda**



GIUSEPPE CABIZZOSU  
BIBLIOTECA  
[www.giusepecabizzosu.it](http://www.giusepecabizzosu.it)

# Andrea Chessa

(-)

Poesie scelte in lingua sarda



GIUSEPPE CABIZZOSU  
BIBLIOTECA  
[www.giuseppecabizzosu.it](http://www.giuseppecabizzosu.it)

# Andrea Chessa

(-)

Poeta.

## Amantes

Como,  
chi lavras  
sicadas  
òrfanas sunt  
de piaghère  
e s'artziat  
à s'intrina  
'e su chelu  
sa fértila  
isfèra  
'e sos lumbos

...ma incantàdos balladores s'aprontan  
in ziru à s'àrbore ruju...

como,  
chi nottes  
chenza fine  
violàu  
an su mùru,  
dae pacu illatàu,  
de custu  
alénu  
infinidu

...ma càmbas istèrridas su témpus  
màrcan a ballitos de férula...

como,  
chi sùlidas  
d'adultèriu  
s'atropan  
a su sentidu nostru  
e trémidas d'oriolu  
nos bantzican  
in sos bentosos  
laores

...ma filéras d'àrcos, istutande colores,  
impresònann irfùndos d'atònzù...

Como...

como,  
est su témpus  
d'esistere!



## Chircande lògicas lèpias

Chircande lògicas lèpias,  
ube restat petzi arena,  
onoro  
custu caminu incantau  
e su chi s'istrada  
chèret chi essèra,  
chene regularemi s'intrada,  
o s'essida  
dae custa cummèdia

Che cannas a bentu,  
gai,  
pinnico desizos,  
aisetànde debbadas  
mulinadas divinas  
ch'ammisturent su prozetu  
de cust'irganàu  
agguantare.

Ungras,  
cravàdas in terra,  
trasso surcos de prata  
in sa passenziosa ischina  
de su tempus colàu  
e osservo, arbèschende,  
s'istoria chi bènit.

Ebbia  
mi diat bastare  
una parte 'e cumpàrsa,  
pro sichire  
a alenàre...

Andrea Chessa

## Cercando logiche leggere

Cercando logiche leggere/dove non resta che sabbia/ onoro / questo incantato sentiero/ e ciò che la strada/ vuole ch'io sia/ senza regolarmi l'entrata/ o l'uscita di scena./ Così, /canna al vento,/ piego i desideri/ all' improbabile attesa/d'un vortice divino/ che rimescoli il progetto /di questo svogliato resistere. /Unghie / ficcate per terra,/ lascio solchi d'argento/ nella schiena paziente/ del passato remoto/ e guardo albeggiare/ la storia che viene./ Mi basta solamente/ un ruolo di comparsa /per continuare a respirare...

## Margaritas inchiètas

Zustu in su postu meu,  
in zentru 'e una clemèntzia noba,  
so patìnde s'astràta maghìa  
d'unu sole chi non caentat,  
boches chi no ischìdan,  
làgrimas chi non rughen.

E m'acàto sichindeti,  
die chi non m'aisètas,  
ammuntonande soluziònes  
a custa resinnada agunià,  
e afundande sas ungras  
in chelos de nues paràdas

A nudda, at a servìre  
d'essere in comìntz'e cràs,  
s'in ocros apo a tènnerè  
sos matèssi orizòntes,  
e in poddiches  
sas matèssi carinnas.

A nudda s'allegrià,  
si galu s'an a intèndere  
tzòcos cròpinos de coro.

Ja de sa vida apo colau  
tottu sos màres irfidiaos,  
lassandem'in daesecus  
sas rucradùras de s'anima,  
apo bolau in supra 'e pràdos  
de margaritas inchiètas,  
e galu, custa bida  
est un'irmùrzu ch'irfrittat.

Si podìa essere,  
nèssi una borta,  
de bisos meos  
s'isprìcu ...

## Margherite inquiete

Esattamente al mio posto,/ al centro d'una nuova clemenza,/ subisco il fascino astratto  
d'un sole che non scalda,/ urla che non svegliano,/ lacrima che non cade/ E mi sorprendo  
a rincorrerti,/ giorno che non m'aspetti,/ mentre sedimento soluzioni/ a questa rassegnata  
agonia/ affondando con le unghie/ su cieli di nuvole immobili/ A niente servirà/ essere al  
principio di domani/ se negl'occhi rimarranno/ gli stessi orizzonti/ e nelle dita/ le stesse  
carezze/ A niente l'allegria,/ se ancora si sentiranno/ i battiti gemelli del cuore/ Già della  
vita ho superato/ tutti gl'insidiosi oceani,/ lasciandomi alle spalle/ gl'incroci dell'anima,/  
volteggiato su prati/ di margherite inquiete,/ e ancora, questa vita/ è una colazione che  
sfredda/ Potessi essere,/ almeno una volta,/ dei sogni miei/ lo specchio .../



## **SU DONU** (Orizòntes de fumu)

Lìmbas,  
sidias de chélu,  
prepoténtes  
si ghéttant

a fachèr violentzia a Deus.

Sa mant'è s'iscuru  
mai at a ischìr'allupàre  
custu dèszu isconcau  
de pàrrer rughìna.

Galu un'irfòrtzu,  
un'aconcada,

... unu luminu...

gal'una lagrima sicca,  
un'alenu de fumu,

e nudda...

sempres prus  
nudda,

de che torrar'in pàlas.

---

## **IL DONO** (orizzonti di fumo)

Lingue/ assetate di cielo/ insolenti/ s'avventano/ a violentare Dio/ La coperta del buio/ non  
saprà mai soffocare/ questa brama inconsulta/ d'apparire sfacelo/ Ancora uno sforzo,/  
un'azzardo,/ ...un cerino.../ ancora/ una lacrima secca/ e un sospiro/ di fumo/ e niente.../  
sempre più/ niente/ da rendere indietro.